

Uslovi pozajmljivanja

Uslovi pozajmljivanja za vas koji pozajmljujete pomagala

Mi se nadamo da su vam pomagala koja ste pozajmili od velike koristi. Pomagalo je individualno prilagođeno vašim potrebama. Vi ga ne smijete posuđivati ili ustupiti nekom drugom. Pozajmica je registrirana kod vašeg pružaoca zdravstvene usluge. Propisala ga je ona osoba koja u okviru zdravstvene zaštite procjenjuje vaše potrebe, te isprobava i prati kako pomagalo funkcionira.

Pružaoč zdravstvene usluge ima pravo da prati i provodi novu procjenu potrebe za pomagalom, na primjer ako se promijenilo vaše zdravstveno stanje ili vaše stambene prilike, ako ne upotrebljavate pomagalo prema instrukcijama i uputama ili ako se važeći propisi promijene. Procjena može dovesti do toga da osoba koja ga je propisala zamijeni pomagalo ili da se ono treba vratiti.

Uputstva za upotrebu i instrukcija

Vi trebate koristiti, održavati i čistiti vaše pomagalo u skladu sa uputstvom za upotrebu i individualnim uputama, koje ste dobili od osobe koja ga je propisala, kako bi pomagalo ispravno funkcioniralo. Vi ne smijete sami poduzimati mjere, montirati vlastite dijelove ili oštetiti pozajmljena pomagala. Oprema (uključujući softver), dodatni pribor ili privatna pomagala se ne smiju montirati ili kombinirati sa pozajmljenim pomagalom.

Ako se pomagalo treba popraviti

Obratiti se Centrali za pomagala (*Hjälpmedelscentralen*) ili niže navedenoj jedinici zdravstvene zaštite. Nemojte koristiti pomagalo ako mislite da greška može utjecati na njegovu sigurnost. Ako se radi o hitnom slučaju obratite se niže navedenoj jedinici.

Vi sami snosite troškove:

- potrošnog materijala koji se može kupiti u običnim trgovinama, na primjer baterije i lampe
- pogonskih troškova, na primjer struje
- transporta pomagala tokom vremena pozajmice
- popravke kada boravite u inozemstvu.

Ako se planirate preseliti ili otputovati na duže vrijeme

Obratite se na vrijeme niže navedenoj jedinici, kako bi dobili obavijesti o tome koja pravila vrijede ako se planirate preseliti ili otputovati na duže vrijeme.

Kada trebate vratiti pomagalo

Pomagalo trebate odmah vratiti, u potpunom sastavu i dobro očišćeno kada vam više ne treba ili kada vas se zamoli da ga vratite. Obratiti se Centrali za pomagala (*Hjälpmedelscentralen*) ili niže navedenoj jedinici kako bi dobili obavijesti o tome kako i gdje ćete vratiti pomagalo.

Možete biti dužni da platite nadoknadu ako:

- ne koristite pomagalo prema uputstvima o upotrebi
- ne pratite individualna uputstva osobe koje je propisala pomagalo
- ne održavate i/ili ne čistite pomagalo prema uputstvima o upotrebi
- se pomagalo ošteti više od toga šta se smatra normalnom istrošenošću
- ako zbog nepažnje izgubite pomagalo
- ako ne vratite pomagalo nakon šta vas je za to zamolio zdravstveni radnik
- ako oštetite pozajmljeno pomagalo tako da na primjer na njega naljepite naljepnice ili pjenastu gumu, obojite pomagalo ili na njega montirate kuke
- ako na pozajmljeno pomagalo montirate ili kombinirate dodatne dijelove (uključujući i softver) i posebnu opremu ili privatna pomagala.

Preporučujemo vam da provjerite vašu policu osiguranja.

Ako imate pitanja ili vam se dogodi neke neprilika ili nesreća vezana za vaše pomagalo obratite se niže navedenoj jedinici.

Skriv namn på enhet och kontaktuppgifter.